

CONTINUATION
DV DISCOVRS
des Miseres de ce Temps.

A LA ROYNE.

Par P. de Ronfard Vandomois.



A PARIS,

Chez Gabriel Buon, au clos Bruneau,
à l'enfeigne S. Claude.

1562.

Avec Privilege du Roy.



Extrait du privilege du Roy.

PA R privilege du Roy, donné à Saint Germain en Laye, le xx. iour de Septembre l'an mil cinq cens soixante, il est enuoïé à P. de Ronfard, gentil-homme Vandomois, de choisir & commettre tel Imprimeur, docté & diligent qu'il verra & cognoïstra estre suffisant pour fidelement imprimer, ou faire imprimer les œuvres ia par luy mises en lumiere, & autres qu'il cōposera & fera par cy apres. Inhibant (ledict Seigneur) à tous Imprimeurs, Libraires, Marchans & autres quelzconques, qu'ils n'ayent à imprimer ou faire imprimer aucunes des œuvres, qui par ledict Ronfard ont esté & seront cy apres faictes & composées, ny en exposer aucunes en vente, s'elles n'ont esté & sont imprimées par ses permission, licence & congé, ou de l'Imprimeur par luy choisi & commis à l'impression d'icelles. Et ce sur peine de confiscation des liures ia imprimés, ou à imprimer, & d'amende arbitraire, tant envers le Roy qu'envers ledict Ronfard, & des interêts & dommages de l'Imprimeur par luy choisi & esleu. Le tout pour les causes & raisons contenues & amplement declarées audict privilege. Ainsi signé sur le reply, Par le Roy, Vous present de Lomenie, & scellé à double queue du grand seau, de cire jaune.

Ledict Ronfard a permis à Gabriel Buon d'imprimer ou faire imprimer La continuation du discours des miseres de ce Temps, à la Royné, iusques au terme de six ans, finis & accomplis, à commencer du iour que ledict liure sera acheué d'imprimer.



CONTINUATION DV
Discours des Miseres de ce Temps,

A LA ROYNE.



Adame, ie serois ou du plomb ou du
bois,

Si moy que la nature a fait naistre
françois,

Aux siecles aduenir ie ne contoie la
peine,

Et l'extreme malheur dont nostre France est pleine.

Il veult maugré les ans au monde publier,

D'une plume de fer sur un papier d'acier,

Que ses propres enfans l'ont prise & deuestue,

Et iusques à la mort vilainement batue.

Elle semble au marchand, helas! qui par malheur

En faisant son chemin rencontre le voleur,

Qui contre l'estomac luy rend la main armée

D'auarice cruelle & de sang assamée:

Il n'est pas seulement content de luy piller

La bourse & le cheual, il le fait despoiller,

Le bat & le tourmente, & d'une dague essaye

De luy chasser du corps l'ame par une playe:

A ij

CONT. DES MISERES

Puis en le voyant mort il se rit de ses coups,
 Et le laisse manger aux matins & aux lours.
 Si esse qu'à la fin la diuine puissance
 Court apres le meurtrier, & en prend la vengeance,
 Et desus vne roüe (apres mille trauaux)
 Sert aux homes d'exèple, & de proye aux corbeaux.
 Mais ces nouueaux Tyrans qui la France ont pillée,
 Vollée, assassinée, à force despoillée,
 Et de cent mille coups le corps luy ont batu,
 (Comme si brigandage estoit vne vertu)
 Viuent sans chastiment, & à les oïyr dire,
 C'est Dieu qui les conduist, & ne s'en font que rire.
 Ils ont le cœur si fol, si superbe, & si fier,
 Qu'ils osent au combat leur maistre desfier:
 Ils se disent de Dieu les mignons: & au reste
 Qu'ils sont les heritiers du royaulme celeste.
 Les pauures incensez! qui ne cognoissent pas
 Que Dieu pere commun des hommes d'icy bas
 Veult sauuer vn chacun, & que la grand' closture
 Du grand Paradis s'ouure à toute creature
 Qui croit en Iesuschrist: certes beaucoup de lieux,
 Et de sieges seroyent sans ames dans les cieux,
 Et Paradis seroit vne plaine deserte,
 Si pour eux seulement la porte estoit ouuerte.
 Or eux se vantant seuls les vrais enfans de Dieu,
 En la dextre ont le glaïue, & en l'autre le feu

DE CE TEMPS.

Et comme furieux qui frappent & enragent,
 Vellent les temples saints, & les villes sacagent.
 Et quoy! bruler maisons, piller & brigander,
 Tuer, assassiner, par force commander,
 N'obeir plus aux Roys, amasser des armées,
 Appellez vous cela Eglises reformées?

IESVS que seulement vous confessez icy
 De bouche & non de cœur, ne faisoit pas ainsi:
 Et S. Paul en preschant n'auoit pour toutes armes
 Sinon l'humilité, les ieunes, & les larmes,
 Et les Peres Martyrs aux plus dures saisons
 Des Tyrans, ne s'armoyent sinon que d'oraisons,
 Bien qu'un Ange du ciel à leur moindre priere
 En soufflant eust rué les Tyrans en arriere.

„ Mais par force on ne peult Paradis violer:
 IESVS nous a monstre le chemin d'y aller:
 Armez de patience il faut suyure sa voye,
 Celuy qui ne la suit se damne & se foruoie.

Voulés vous ressembler à ses fols Albigeois
 Qui planterent leur secte avecque le harnois?
 Ou à ces Arriens qui par leur frenaisie
 Firent perdre aux chrestiens les villes de l'Asie?
 Ou à Zuingle qui fut en guerre desconfit?
 Ou à ceux que le Duc de Lorreine desfit?
 Vous estes dès long temps en possession d'estre
 Par armes combatus, nostre Roy vostre maistre

CONT. DES MISERES

Bien tost à vostre dam le vous fera sentir,
 Et lors de vostre orgueil sera le repentir.
 Tandis vous exercez vos malices cruelles,
 Et de l'Apocalypse estes les sauterelles,
 Lesquelles aussi tost que le Puis fut ouuert
 D'enfer, par qui le Ciel de nûes fut couuert,
 Auecques la fumée en la terre sortirent,
 Et des fiers scorpions la puissance vestirent:
 El' auoient face d'hôme, & portoient de grāds dents
 Tout ainsi que Lyons affamez & mordans.
 Leur maniere d'aller en marchant sur la terre
 Sembloit Cheuaux armez qui courent à la guerre,
 Ainsi qu'ardemment vous courez aux combats
 Et Villes & Chasteaux vous renuersez à bas.
 El' auoient de fin or des couronnes aux testes,
 Ce sont vos morions haut-dorez par les crestes,
 El' auoient tout le corps de plastrons enfermez,
 Les vostres sont toujours de corcelets armez:
 Comme des scorpions leur queüe estoit meurtriere,
 Ce sont vos pistolets qui tirent par derriere,
 PERDANT estoit leur maistre, & le vostre a perdu
 Le sceptre que nos Roys auoient tant deffendu.
 Vous ressemblez encor à ces ieunes viperes,
 Qui ouurent en naissant le ventre de leur meres,
 Ainsi en auortant vous aués fait mourir
 La France vostre mere, en lieu de la nourrir.

DE CE TEMPS.

De Besze ie te prie escoute ma parolle
 Que tu estimeras d'une personne folle,
 Sil te plaist toutesfoys de iuger sainement,
 Apres m'auoir ouï tu diras autrement.

La terre qu'aujourdhuy tu remplis toute d'armes,
 Y faisant fourmiller grand nombre de gendarmes,
 Et d'auares soldars, qui du pillage ardans,
 Naissent desous ta voix, tout ainsi que des dents
 Du grand serpent Thebain les hommes, qui muerent
 Le limon en couteaux, dont ils s'entretuerent :
 Et nés & demi-nés se firent tous perir,
 Si qu'un mesme soleil les vit naistre & mourir.

De Besze ce n'est pas vne terre Gottique,
 Ny vne region Tartare, ny Scythique,
 C'est celle ou tu naquis, qui douce te receut
 Alors qu'à Veszelay ta mere te conceut,
 Celle qui t'a nourry, & qui t'a faict apprendre
 La science & les ars dès ta ieunesse tendre,
 Pour luy faire seruice, & pour en bien user,
 Et non, comme tu fais, à fin d'en abuser.

Si tu es enuers elle enfant de bon courage,
 Ores que tu le peux, rends luy son nourrissage,
 Retire tes soldars, & au lac Geneuois
 (Comme chose execrable) enfonce leurs harnois.

Ne presche plus en France vne Euangile armée,
 Vn Christ empistollé tout noircy de fumée,

CONT. DES MISERES

Portant un morion en teste, & dans la main
 Vn large coustelas rouge du sang humain:
 Cela desplaiſt à Dieu, cela desplaiſt au Prince,
 Cela n'eſt qu'un appas qui tire la province
 A la ſedition, laquelle deſous toy
 Pour auoir liberté, ne voudra plus de Roy.
 Certes il vaudroit mieux à l'Aufane relire
 Du grand fils de Thetis les proeſſes & l'ire,
 Faire combattre Ajax, faire parler Neſtor, ..
 Ou rebleſſer Venus, ou retuer Hector
 En papier non ſanglant, que remply d'arrogance
 Te meſler des combats dont tu n'as cognoiſſance,
 Et trainer apres toy le vulgaire ignorant,
 Lequel ainſi qu'un Dieu te va preſque adorant.
 Certes il vaudroit mieux celebrer ta Candide,
 Et comme tu faiſois, tenir encoiride
 Des cygnes Paphians, ou pres a un antre au ſoir
 Tout ſeul dans le giron des neuf muſes t'aſſoir,
 Que reprendre l'Egliſe, ou pour eſtre veu ſage
 Amander en ſainct Paul ie ne ſcay quel paſſage:
 De Beze mon amy, tout cela ne vaut pas
 Que la France pour toy prenne tant de combats!
 Ny que pour ton erreur un tel Prince s'empeſche!
 Vn iour en te voyant aller faire ton preſche
 Ayant de ſous un Raiſtre une eſpée au coſté:
 Mon dieu ce di-ie lors quelle ſainte bonté!

Quelle

DE CE TEMPS.

Quelle Euangille helas! quel charitable zelle!
 Qu'un Prescheur porte au flanc une espee cruelle!
 Bien tost avec le fer nous serons consumés,
 Puis que l'on voit de fer les ministres armés.
 Et lors deux Surucillans qui parler m'entendirent,
 Avecque un haussebec, ainsi me respondirent,
 Quoy parles tu de luy? lequel est enuoyé
 Du Ciel, pour r'enseigner le peuple deuoyé?
 Ou tu es un Athee, ou quelque benefice
 Te fait ainsi vomir ta rage & ta malice?
 Puis que si arrogant, tu ne fais point d'honneur
 A ce prophete saint enuoyé du Seigneur.
 Adonq ie respondi: apellés vous Athée
 La personne qui point n'a de son cœur ostée
 La foy de ses ayeux? qui ne trouble les loix
 De son pays natal, les peuples ny les Roys?
 Apellés vous Athée, un homme qui mesprise
 Vos songes contrefais, les monstres de l'Eglise?
 Qui croit en un seul Dieu, qui croit au saint Esprit
 Qui croit de tout son cœur au sauueur Iesuschrist?
 Apellés vous Athée un homme qui deteste
 Et vous & vos erreurs comme infernalle peste?
 Et vos beaux Predicans, qui fins & cauteleurs
 Vont abusant le peuple, ainsi que basteleurs,
 Lesquels enfarinés au mi-lieu d'une place
 Vont iouant finement leurs tours de passe passe,
 B

CONT. DES MISERES

Et à fin qu'on ne voye en plain iour leurs abus
Soufflent dedans les yeux leur poudre d'Oribus.
Vostre poudre est crier bien haut contre le Pape
Deschifrant maintenant sa Tiare & sa chape,
Maintenant ses pardons, ses bulles, & son bien,
Et plus vous criez haut, plus estes gens de bien.
Vous ressemblés à ceux que les siebures incensent,
Qui cuydent dire vray de tout cela qu'ils pensent:
Toutesfois la pluspart de vos Rhetoriqueurs.
Vous preschent autremēt qu'ils n'ont dedās les cœurs.

L'un monte sur la chaire ayant l'ame surprise
D'extresme ambition, l'autre de couuoitise,
L'autre qui se voit pauvre est aise d'en auoir;
L'autre qui n'estoit rien de monter en pouuoir,
L'autre a l'esprit aigu, qui par meinte trauerse
Soubs ombre de pitié tout le monde renuerse.

Bref un Peroceli aparoist entre vous
Plus sage, & continent, plus modeste, & plus doux,
Qui reprend asprement les violeurs d'images,
Les larrons, les meurtriers: qui de fardés langages
N'entretient point la guerre, ains deteste bien fort.
Ceux qui plains de fureur nourrissent le discord.
Il est vray que sa faulte est chose abominable,
Toutesfois en ce fait elle est bien excusable.
Ha que vous estes loing de nos premiers docteurs,
Qui sans craindre la mort ny les persecuteurs,

DE CE TEMPS.

Alloient de leur bon gré aux plus cruels supplices
 Sans enuoyer pour eux ie ne scay quels nouices.
Que vit tant à Geneue vn Calvin desia vieux?
 Qu'il ne se fait en France vn martyr glorieux?
 Soufrant pour sa parolle? ô ames peu hardies!
 Vous ressemblés à ceux qui font les Tragedies,
 Lesquels sans les iouer demeurent tous creintifs,
 Et en donnent la charge aux nouueaux aprantis,
 Pour n'estre point moqués ni sifflés, si l'ys sue
 De la fable n'est pas du peuple bien receue.
Le peuple qui vous suit est tout empoisonné,
 Il a tant le cerueau de sectes estonné,
 Que toute la Rubarbe & toute l'Anticyre
 Ne luy scauroient garir sa fiebure qui empire:
 Car tant s'en faut hélas! qu'on la puisse garir
 Que son mal le contente, & luy plaist d'en mourir.
Il faut ce dites vous que ce peuple fidele
 Soit guidé par vn Chef qui preigne sa querelle?
 Ainsi que Gedeon lequel esleu de Dieu,
 Contre les Madiens mena le peuple hebrieu:
 Si Gedeon auoit commis vos brigandages,
 Vos meurtres, vos larcins, vos Gottiques pillages
 Il seroit execrable, & s'il auoit forfait
 Contre le droit commun, il auroit tresmal fait.
 De vostre election faites nous voir la bulle!
 Et nous monstre de Dieu le seing & la scedalle!

CONT. DES MISERES

Si vous ne la montrés, il faut que vous croyés
 Qu'icy vous n'estes pas du Seigneur enuoyés.
 Ce n'est plus auioirdhui qu'on croit en tels oracles:
 Faites à tout le moins quelques petis miracles!
 Comme les peres saints, qui iadis guerissoient
 Ceux qui de maladie aux chemins languissoient,
 Et desquels seulement l'ombre estoit salutaire:
 Il n'est plus question, ce dites vous, d'en faire,
 La foy est aprouuée: allez aux Regions
 Qui n'ont ouy parler de nos Religions,
 Au Perou, Canada, Callicuth, Canibales,
 La montrés par effait vos vertus Caluinales.
 Si tost que cette gent grossiere vous verra
 Faire un petit miracle, en vous elle croira,
 Et changera sa vie, ou toute erreur abonde,
 Ainsi vous sauuerés la plus grand part du monde.
 Les Apostres iadis preschoient tous d'un accord,
 Entre vous auioirdhuy ne regne que discord,
 Les uns sont Zuingliens, les autres Lutheristes,
 O Ecolampadiens, Quintins, Anabaptistes,
 Les autres de Calvin vont adorant les pas,
 L'un est predestiné, & l'autre ne l'est pas,
 Et l'autre enrage apres l'erreur Muncerienne,
 Et bien tost s'ouurira l'escole BesZienne.
 Si bien que ce Luther le quel estoit premier,
 Chassé par les nouueaux est presque le dernier,

DE CE TEMPS.

Et sa secte qui fut de tant d'hommes garnye,
 Est la moindre de neuf qui sont en Germanye.
 Vous deuriez pour le moins auant que nous troubler,
 Estre ensemble d'accord sans vous desassembler,
 Car Christ n'est pas un dieu de noise ny discorde,
 Christ n'est que Charité, qu'amour, & que concorde,
 Et monstres clèrement par la diuision,
 Que dieu n'est point auteur de vostre opinion.
 Faites moy voir quelqu'un qui ait changé de vie,
 Apres auoir suiuy vostre belle folie?
 I'en voy qui ont changé de couleur & de teint,
 Hydeux en barbe longue, & en visage feint,
 Qui sont plus que deuant tristes, mornes, & palles,
 Comme Oreste agité des fureurs infernales.
 Mais ie n'en ay point veu qui soient d'audacieux
 Plus humbles deuenus, plus doux, ny gracieux,
 De paillards continens, de menteurs veritables,
 D'efrontés, vergongneux, de cruels charitables,
 De larrons aumonniers, & pas un n'a changé
 Le vice dont il fut au parauant chargé.
 Ie cognois quelques vns de ces fols qui vous suivent;
 Ie scay bien que les Turcs & les Tartares viuent
 Plus modestement qu'eux, & suis tout esfroyé
 Que mille fois le iour leur chef n'est foudroyé.
 I'ay peur que tout ainsi qu'Arrius fit l'entrée
 Au Turc qui surmonta l'Asienne contrée,
 B iij

CONT. DES MISERES

*Que par vostre moyen il ne se vucille armer,
 Et que pour nous domter il ne passe la mer.
 Et que vous les premiers n'en suportiés la peine,
 En pensant vous vanger de l'Eglise Romaine.
 Ainsi voit on celuy qui tend le piege aux bois
 En voulant prendre autrui se prendre quelque fois.
 La tourbe qui vous suit est si vaine & si sotté,
 Qu'estant afriandée aux douceurs de la Lote,
 L'entends afriandée à cette liberré
 Que vous preschés par tout, tient le pas arresté
 Sur le bord estrangier, & plus n'a souuenance
 De vouloir retourner au lieu de sa naissance.
 Helas si vous auiés tant soit peu de raison,
 Vous cognoistriés bien tost qu'on vous tiét en prison,
 Pipés enforcillés: comme par sa malice
 Circe tenoit charmés les compagnons d'Ulysse
 O Seigneur tout puissant ne mets point en oubly
 D'enuoyer un Mercure avecques le moly
 Vers ce noble Seigneur, à fin qu'il admoneste,
 Et luy face rentrer la raison en la teste,
 Luy descharme les sens, luy desbille les yeux,
 Luy monstre clairement quels furent ses ayeulx
 Grâds Roys, & gouuerneurs des grâdes republiques,
 Tant craints & redoubtés pour estre catholiques
 Si la saine raison le regaigne vne fois.
 Luy qui est si gaillard, si doux, & si courtois,*

DE CE TEMPS.

Il cognoistra l'estat auquel on le fait viure:
 Et comme pour de l'or on luy donne du cuyure,
 Et pour un grand chemin un sentier esgaré,
 Et pour un Diamant un verre bigarre:

Las! que ie suis marry que cil qui fut mon maistre,
 Despetré du filet, ne se peut recognoistre,
 Je n'ayme son erreur, mais hayr ie ne puis
 Vn si digne Prelat dont seruiteur ie suis,
 Qui benin m'a seruy (quand fortune prospere
 Le tenoit pres des Roys) de seigneur & de pere.
 Dieu preserue son chef de malheur & d'ennuy,
 Et le bon heur du ciel puisse tomber sur luy.

Acheuant ses propos ie me retire, & laisse
 Ces surueillans confus au milieu de la presse,
 Qui disoient que Satan le cœur m'auoit couuë,
 Et me grinceant les dens m'apelloient reprouuë.
 L'autre iour en pensant que cette pauvre terre
 S'en alloit (ô malheur) la proye d'Angleterre
 Et que ses propres fils amenoient l'estranger
 Qui boit les eaux du Rhin, à fin de l'outrager
 M'apparut tristement l'Idole de la France,
 Non telle qu'elle estoit lors que la braue lance
 De Henry la gardoit, mais foible & sans confort
 Comme vne pauvre femme atteinte de la mort,
 Son Sceptre luy pendoit, & sa robbe semée
 De fleurs de lys estoit en cent lieux entamée.

CONT. DES MISERES

Son poil estoit hydeux, son œil haue, & profond,
 Et nulle magesté ne luy haussoit le front.
 En la voyant ainsi ie luy dis ô Princesse,
 Qui presque de l'Europe as esté la maitresse,
 Mere de tant de Roys, conte moy ton malheur?
 Et dy moy ie te pry d'ou te vient ta douleur?
 Elle adonq en tirant sa parolle contrainte,
 Sousspirant aigrement, me fit ainsi sa plainte.
 Vne ville est assise és champs Sauoy siens,
 Qui par fraude a chassé ses seigneurs anciens,
 Miserable seiour de toute apostasie,
 D'opiniaistreté, d'orgueil, & d'heresie,
 Laquelle (en ce pendant que les Roys augmentoient
 Mes bornes, & bien loing pour l'honneur cobatoient)
 Apellant les banis en sa secte damnable
 M'a fait comme tu vois chetive & miserable.
 Or mes Roys voyans bien qu'une telle cité
 Leur seroit quelque iour une infelicité,
 Deliberoient assés de la ruer par terre
 Mais contre elle iamais n'ont entrepris la guerre,
 Ou soit par negligence, ou soit par le destin
 Entiere ils l'ont laissée: & de la vient ma fin.
 Comme ces Laboureurs dont les mains inutiles
 Laissent pendre l'hyuer un toufeau de chenilles
 Dans une feuille seiche au feste d'un pommier
 Si tost que le soleil de son rayon premier

A la feuille

DE CE TEMPS.

A la feuille eschaufée, & qu'elle est arrosée
Par deux ou par trois fois d'une tendre rosée,
Le venin qui sembloit par l'huyet consumé,
En chenilles soudain apparoit animé,
Qui tombent de la feuille, & repent à grand peine
D'un dos entre-cassé au milieu de la plaine,
L'une monte en un chesne & l'autre en un ormeau,
Et toujours en mangeant se trainent au coupeau,
Puis descendent à terre, & tellement se paissent
Qu'une seule verdure en la terre ne laissent.
Alors le laboureur voyant son champ gasté,
Lamente pour neant qu'il ne s'estoit hasté
D'etoufer de bonne heure une telle semence:
Il voit que c'est sa faulte, & s'en donne l'offence.
Ainsi lors que mes Roys aux guerres s'efforceoient,
Toutes en un monceau ces chenilles croissoient,
Si qu'en moins de trois mois, telle tourbe enragée
Sur moy c'est esbandue, & m'a toute mangée.
Or mes peuples mutins arrogans & menteurs,
M'ont cassé le bras droit chassant mes Senateurs,
Car de peur que la loy ne corrigeast leur vice
De mes palais Royaux ont bany la iustice:
Ils ont rompu ma robbe en rompant mes cités,
Rendans mes citoyens contre moy depités:
Ont pillé mes cheueux en pillant mes Eglises,
Mes Eglises hélas! que par force ils ont prises!

C

CONT. DES MISERES

En poudre foudroyant images & autels:
 Venerable seiour de nos Saints immortels!
 „ Contre eux puisse torner si malheureuse chose,
 „ Et l'or saint derobé leur soit l'or de Tolose!
 Ils n'ont pas seulement, sacrileges nouueaux,
 Fait de mes temples saints, estables à Cheuaux,
 Mais comme tormentés des Fureurs Stygiales
 Ont violé l'honneur des ombres sepulchrales,
 A fin que par tel acte inique & malheureux
 Les viuans & les morts conspirassent contre eux:
 Busire fut plus doux, & celuy qui promeine
 Vne roche aux enfers, eut l'ame plus humaine.
 Bref m'ont delaissee en extrefme langueur,
 Toutesfois en mon mal ie n'ay perdu le cueur,
 Pour auoir vne Royne à propos rencontrée
 Qui douce & gracieuse enuers moy c'est monstree,
 Elle par sa vertu, quand le cruel effort
 De ces nouueaux mutins, me trainoit à la mort.
 Lamentoit ma fortune, & comme Royne sage
 Reconfortoit mon cueur, & me donnoit courage.
 Elle abaissant pour moy sa haulte magesté,
 Preposant mon salut à son autorité,
 Mesmes estant malade, est meinte fois alle.
 Pour m'apointer à ceux qui m'ont ainsi vollee.
 Mais Dieu qui des malins n'a pitié ny mercy
 (Comme au Roy Pharaon) a leur cueur endurcy

DE CE TEMPS.

A fin que tout d'un coup sa main puissante & haute
Les corrige en fureur, & punisse leur faute.

Puis quand ie voy mon Roy qui desia deuient grand,
Qui courageusement me soustient & defend,
Ie suis toute garie, & la seule apparance
D'un Prince si bien né, me nourrist d'esperance.

Ce Prince, ou ie me trompe, en voyant son meintien,
Sa nature si douce, & incline à tout bien,
Et son corps agité d'une ame ingenieuse,
Et sa façon de faire honeste & gratieuse,
Ni moqueur, ni iureur, menteur, ni glorieux,
Ie pense qu'icy bas il est venu des cieux
A fin que la couronne au chef me soit remise,
Et que par sa vertu refleurisse l'Eglise.

Auant qu'il soit long temps ce magnanime Roy
Domptera les Destins qui s'arment contre moy,
Et ces faux Deuineurs qui d'une bouche ouuerte
De son sceptre Royal vont predisant la perte.

Ce Prince acompagné d'armes & de bon heur,
Enuoyra iusqu'au ciel ma gloire & mon honneur,
Et aura pour se rendre aux ennemis terrible,
Le nom de Treschrestien & de tresinuincible.

Puis voyant d'autre part cet honneur de Bourbon,
Ce magnanime Roy, qui tressage & tresbon
S'oppose à l'heresie, & par armes menasse
Ceux qui de leurs ayeux ont delaisé la trace.

C ij

CONT. DES MISERES

Voyant le Guislan d'un courage indonté,
 Voyant Monmorenci, voyant d'autre costé
 Aumalle & saint André: Puis voyant la noblesse
 Qui porte un cuer enflé d'armes & de prouesse:
 L'espere apres l'orage un retour de beau temps,
 Et apres un hyuer un gracieux printemps.
 Car le bien suit le mal comme l'onde suit l'onde,
 Et rien n'est assuré sans se changer au monde.
 Ce pendant pren la plume, & d'un stile endurci
 Contre le trait des ans, engrave tout ceci,
 A fin que nos nepueux puissent un iour cognoistre
 Que l'homme est malheureux qui se prèd à son maistre.
 Ainsi par vision la France à moi parla,
 Puis tout soudainement de mes yeux s'en volla
 Comme une poudre au vent, ou comme une fumée
 Qui se iouant en l'air, est en rien consumée.

F I N.